

《人魚公主》學習單

一、語詞學習

1. 老阿婆：lo、a、po，老婆婆。例句：該老阿婆逐日開容笑面，心情當好。
2. 痛惜：tung xiag、，疼愛。例句：阿爸阿姆痛惜自家个子女。
3. 腳髀：giog、bi、，大腿。例句：厥个手髀比吾个腳髀還較大。
4. 得人惜：ded、ngin、xiag、，惹人疼愛。例句：該細人仔面泡泡、肉搏搏仔當得人惜。
5. 堵堵：du、du、，剛好、碰巧。例句：這下客家電視堵堵播出卡通節目。
6. 晟目：cang、mug、，刺眼。例句：當晝个日頭又烈又光，看起來當晟目。
7. 天光：tien、gong、，天亮。例句：阿婆盲天光就去菜園摘菜。
8. 覘婆：sang po、，巫婆、巫師。例句：聽講該位个覘婆，當會同人收驚。
9. 扭揪窟：ngiu、jiu、fud、，漩渦。例句：你看該河壩个扭揪窟又靚又危險，毋好行兼去哦！
10. 入文：ngib vun、，入神、著迷。例句：阿菊看書看到當入文，阿姆喊佢就毋知。

二、句仔學習

1. 無…淨有…。
美人魚無腳髀淨有一條魚尾。
阿姆講佢無錢買東西分佢，淨有時間陪佢寮。
2. 雖然…，毋過…。
雖然無泅來泅去个魚仔，毋過有飛來飛去个鳥仔。
雖然阿爸做事當無閒，毋過係有放棄就會陪佢搞。



三、講看啊

1. 老阿婆講人魚同人類有麼个無共樣？
人魚認為魚尾當靚，人類嘍認為魚尾當媿；還過人有靈魂死後靈魂升上天堂。人魚死後嘍會化成泡影，故所人類永遠毋會同人魚結婚。
2. 人魚細公主講佢愛王子願意犧牲一切，佢仰般做？
食她覘婆个藥仔，魚尾變成人類个兩隻腳，毋過當痛，乜無法度再過講話。
3. 王子有愛著人魚細公主無？
有！毋過後來還係無同人魚細公主結婚。在無想愛傷害王子个情況下，細公主自家變到泡影向天頂飛升。

四、做看啊（延伸學習、補充介紹）

你有愛自家个屋下人無？係有，你用麼个方式，來表達你對屋下人个愛？有可能對自家个阿姆、阿爸、阿公、阿婆抑係姊妹，都會有無共樣个方式，請你練習講分屋下人聽哦！係無？又係麼个原因？